

տառապանաց , և բազում անգամ դրեաց առ նոսա միաբանութեամբ՝ թէ չէ հնար կալ մնալ նոցա յերուսաղէմ , զի միաբանք պատրաստեալ էին գտանել դիպող ժամանակ և մեկնիլ անտի՝ և գնալ յայլ տեղի , և ինձ ասէ անկարելի արգելուլ և ընդդէմ կալ նոցա , պատահեցաք այսպիսի դառն ժամանակի՝ զի հասին կալան զմեզ ազգի ազգի ձախորդութիւնք , նեղութիւնք , վիշտք , սաստկութիւն սովու հարկապահանջութիւնք՝ իբրեւ զհեղեղս ջուրց , և հասուցին զմեզ 'ի դրունս մահու , օրական պարէն միաբանաց բազում նեղութեամբ հայթայթին :

Սակայն նոքա արարին պատասխանի թէ՛ պարտ է համբերել վշտաց և տանել նեղութեանց և չթողուլ լքանել զժառանգութիւն ազգին : Յայսպիսի դառն դանկատանաց Պետրոս Պատրիարքի եւ միաբանաց ստիպեալ խնդրեցին ազգայինք զՏումար ծախուց և արդեանց Ս . Աթոռոյն , և նոքա առաքեցին զայն :

Իսկ այլազգիք Երուսաղէմի յետ արձակելոյ զմիաբանսն 'ի տաճարէն Ս . Յարութեան եւ անցանելոյ առուրց ինչ՝ ժողովեցին դարձեալ զուխտաւորս տարւոյն եւ զժողովուրդս քաղաքին երից ազգաց , բաց 'ի կանանց՝ ոգիք իբրեւ 2000 , և 'ի 14 Փետրվարի յառուր Բառասնօրեայ Գալտեան Տեառն 'ի Տաճարն , արգելին յեկեղեցին Սուրբ Յարութեան , որք և ասէին թէ սոքա են լրտեսք և բանադնաց առ հաւատակիցս իւրեանց Գաղղիացիս , ոյր աղաղաւ որդիք մահու են դոքա և չեն արժանի արեւ տեսանելոյ : մահառիթ ձայն խուժանին լսելի լինէր ամենայն ուրեք՝ բարձցին քրիստոնեայք 'ի կենաց , եւ իբրեւ ոչ գտանէին զոք 'ի հրապարակի՝ խումբ արարեալ դիմէին 'ի գաւիթ Ս . Յարութեան , և ձայնէին լուտանօք 'ի փոքր պատուհանէ 'ի ներքս , արձակէին հրաղէնս , որ և պատահեալ դնտակի միում 'ի միաբանացն Հայոց մեռաւ անդէն : Ի զուր էին աղաչանք և պաղատանք վանականաց վասն աղատութեան ժողովրդոց եւ անդորրութեան քաղաքին , զի թոթափեալ էին յամենայն ընչից և մերկացեալ 'ի գոյից , հեծէին ընդ լծով տոկոսաւոր պարտուց :

Զօրք մեծին նաբովիօնի տիրեցին Արեք քաղաքին եգիպտոսի և սահմանաց նորին . և չգտեալ զոք ընդդիմակաց ,